

Plenchi

Bèl a bati

Bèlèm bèlèm,,ring ring subi subi pa nos chit chèt riba plenchi di skol. Nos tin masha hopi potrèt awe pa boso. Potrèt ta papia mas klá ku palabra. Riba nos plenchi bo por mira pa bo mes kon e ambiente ta den skol. Nos ta risibibu ku masha grasia tur siman paso abo ta un huésped importante pa nos.

Pasku grandi ta yegando. Nos ta hasi nos último preparashonnan pa e fiesta bunita aki. Muri pa otronan, pa duna otronan mihó bida ta algu grandi. Pero nos mester realisá ku nos mester hasi uso di e oportunitat aki tambe na un manera speshal. Nos mester kambia nos aktitut di guera i violensha, pa pas i amor. Nos mester keda responsabel i pone otronan responsabel pa nan akto si. No malkria nos yunan, of keda sin koregínan ora nan hasi fout. Esei ta amor i responsabilidadat. Korigí i atende otro riba responsabilidadat, anto aseptá ora nos no a kumpli ku nos responsabilidadat.

Ban eduká ku amor i respèt pa duna nos yunan un base sólido pa nan enfrentá retonan di bida.

Riba roster

Soeur Hedwigschool preparando pa Ban Topa di RK ku lo tuma luga 23 di mei.



Not'é riba bòrchi



Boluntarionan ta lesa
ku alumnonan na
Kolegio Nechi Pieters.

Un trabou bunita di
Child First Foundation.
Danki pa boso aporte.

Den agènda

Liber di skol

1 april pa 10 di april Pasku Grandi

27 april dia di Rey

28, 29 30 april dianan ekstra liber

1 mei dia di obrero

Ban Topa di RK 23 di mei

Un prenchi

Prenchi pa Kolegio Iris Bruynings


Kolegio Iris Bruyning ta un skol di Fundeshi ku ta keda den e bario di Bonam.

Kolegio Iris Bruyning ta un skol ku ta konsistí di un kantidat di 345 alumno. Nos alumnonan ta bini for di e barionan di Bonam, Nort Sapaté, Kirindongo Abou i besindario. Mayoria alumno ta kana bin skol debí ku nan ta biba den serkania. Pero tòg tin basta alumno ku ta wòrdu trese skol na outo. Tur esaki ta pone ku ta hopi druk dilanti di skol promé ku skol kuminsá, i tambe ora skol kaba. Un di e metanan di Kolegio Iris Bruyning ta pa brinda seguridat na nos alumnonan tantu riba tereno di skol komo pafó. Ta pesey Tim di maneho huntu ku dosentenan a introdusí e aña eskolar aki e sistema di ‘brigadier’. Ta un forma pa garantisá seguridat na nos muchanan. Esaki ta tuma lugá di djaluna pa djabièrnè parti mainta promé ku skol kuminsá i ora skol kaba. Bou di guia di dos dosente dos alumno ta para ku bòrchi di stòp i kordiná esaki.

Ku esaki Kolegio Iris Bruyning ta:

1. Brinda un seguridat pa un i tur dilanti nos porta di skol.
2. Konsientisá nos mayornan i outomobilistanan pa paga tinu den area di skol.
3. Sòru pa un tránsito sigur.

Sigur un inisiativa bunita i nesesario na bienestar di nos muchanan. Kolegio Iris Bruynings ta sigui briya.





Tim kampion di Kolegio San Hose ku a gana futbòl na Kòrsou i a representá nos na Aruba. Pabien na e hóbenan i na personal di Kolegio San Hose.

Kompetensia di pintura Bay West

Resientemente Bay West a tene un kompetensia di pintamentu pa alumnonan di skol básiko akin a Kòrsou. Diferente skol a partisipá. E pintura ganadó lo bini riba e “zeepdispensers” ku Bay West ta ofresé na skolnan.

Kada skol por a skohe 4 finalista. Skol Alablanka a partisipá. Di e 4 finalistanan, Jeaden Chirino a gana den e kategoria di grupo 5 / 6. Roenchelo Calvenhoven a sali e ganadó absoluto. E pintura di Roenchelo lo bini riba e “zeepdispensers” ku Bay West ta instalá na diferente skol aki na Kòrsou. Roenchelo a pinta i klùr ku hopi dedishon. Nos di skol Alablanka ta hopi orguyoso di Roenchelo. Riba e potrèt Roenchelo, Jeaden e pintura ganadó.



Mucha djispou

Tól ta sali trabou, pasa na un snack pe dal un beter. Di un ta bira dos, bira tres te nan a bira muchu pa konta.

Bon kansa el a yama tur su amigunan bon nochi i a kuminsa kana bai outo. E doño di e snack a yama su atenshon prome ku e drenta outo.

Doño di Snack: “Mener ta bai kas? Mener a lubidá di paga.”

Tòl: “Esei ta bon, paso mi ta bebe pa mi lubida tur kos ferfelu. Dal un beter bo tambe i lubida e debe.”

Mi ta konta

E rey sabí.

Den un pais hopi leu for di nos tabata reina hopi pobresa. Tur dia tabatin un par di hende ta muri di hamber. E rey ku no por a mira esaki a bin ku un maneho pa kontrarestá esaki.

El a laga tur habitante sa ku e ta bai tuma medida asina un hende muri di hamber. Asina un pober muri di hamber, e rey ta laga buska e famia riku ku ta biba mas serka di esun ku a muri.

E kabes di e famia riku ei mesora ta haña kastigu di prison. Lo seré sin kuminda pa algun luna, te ora e tambe muri meskos ku kualke pober ku no tin kuminda.

E Pais nunca mas a konta un persona ku a muri di hamber.